

國

子

監

志

國子監志卷七十七

藝文志十一

應

制進冊

嘉慶三年

仁宗睿皇帝釋菜臨雍講學禮成恭紀

頌
謹序

朱珪

皇帝奉

太上皇帝敕諭於嘉慶三年春二月仲丁

幸太學。

釋菜於

至聖先師遂

臨辟雍開講筵

御論大學之道在明明德在新民在止於至善易臨之

大象傳君子以教思无窮容保民無疆各一篇

所以崇學章教甚

盛典也臣蒙

恩奉職在外久違講席不獲與於圓橋觀聽之列翹仰
并慕不能自己竊惟大學本修身而明明德於

天下。天子之學也。知臨大君之宜。天子之教也。
愛敬盡於事親。而德教加於百姓。刑於四海。天
子之孝也。

皇帝學古時敏。朝夕孜孜。親承

太上皇帝之

心傳

身教。學莫大焉。教莫備焉。孝莫純焉。至誠大順。條貫萬
幾。以篤

天保而申

壽星。是德福之總也。臣伏繹大學一書。賅本末貫始終。

朱子釋之曰。明德為本。新民為末。知止為始。能得為終。以經解經。則曰修身為本。大畏民志。此謂知本。又曰德者本也。財者末也。未有好仁而下不好義者也。未有好義其事不終者也。為君為臣為父為子。各止於至善。是謂得止也。又言得衆則得國。善則得天命。忠信以得大道。此四得者。與中庸所言四得。必有於大德。其義相通。而其要在知所先後。然則修身之本。莫先於

孝矣。知止之始。莫切於孝矣。

太上皇帝有大德而備四得。

皇上尊聞行知。深思大學四得之本。則學日緝熙於光明矣。其在詩曰。雖雖在宮。肅肅在廟。不顯亦臨。無射亦保。鄭康成箋曰。宮謂辟雍宮也。詩之言臨保者。與易之言臨保亦相發明也。謹按易澤上有地。臨。臨自復來。而其進為泰。是陽長之卦也。以上臨下。未言政而先言教思。未言治而先言容保。教思則該乎政矣。容保則該乎治矣。諸

經之言臨者曰居敬而行簡以臨其民是坤以簡能之義也曰聰明睿知足以有臨也是知臨行中之義也曰予臨兆民奈何不敬是臨之以莊之義也書曰皇極之敷言是訓是行是教思之說也曰有容德乃大曰若保赤子是容保之說也教民而保之則庶民保極矣能保惠於庶民則天保定爾矣惟我

太上皇帝敬

天愛民萬年一日風雨露雷無非教也真所謂无窮也

蠲復賑貸巨億億萬真所謂无疆也

功德邁乎堯舜而

耄期不倦於勤真所謂敦臨也

皇帝敬承侯志真所謂肅雍而臨保也

黜華心傳觀於一家姬孔道統密於親炙超萬古所未
有慶億年而無極合至德敏德孝德以教國子
者至矣善矣曷以加茲謹獻頌曰

大清受

命體

天化行洪惟

世祖衍義孝經

聖祖繼

志百卷集成四經三禮

作聖

述明

文武聖睿

太上皇帝百四十篇經義大備

耄期乾乾政訓事示

皇帝欽承聰聽哲視嘉慶戊午仲春仲丁大昕釋菜辟

雍講經

穆穆明明壽耆老更濟濟多士環橋觀聽講義維何大
學綱領德本惟身厥修三省居高臨深六馭不
騁牖民保民惠迪思永石鼓在門石經在廡善
學維何

允文

允武其雨其暘賑壘蠲普善教維何民恃民恬

太上身教

皇帝維孝信

天得

天淳明克肖教民得民惇敘學校地容天保卑法崇效

一得四得如取如攜

天臨匪遠臨民念茲芻蕘之誠

聖哲不遺

聖學

聖教孝惟孜孜

化源論

紀昀

臣聞箕子演疇稱是彝是訓于帝其訓而推本於皇極之敷言。蓋敷以言者示王道所當遵必推本於皇建其極則聖天子之以身教也。故三五盛時帝王皆夙夜禔躬明和禮樂以崇儒明道示天下。論者謂政理之經緯在學術學術之講述在師儒。師儒之趨向則在朝廷之導率化行有本。漢應乃神自羲軒以至文武建學明倫每親蒞以示鄭重。經典所傳亦各極一時之盛矣。若夫

聖

聖相承

親以

身教又

親見得

身教者復以

身教倡天下則書契以來未之聞也欽惟

皇帝陛下睿智生知聰明天亶右文稽古念典維勤今

歲仲春敬遵

太上皇帝勅旨釋菜

先師遂

臨雍講學臣叨掌儀部跼聆

玉音首揭大學綱領而以明德為新民之原伏考聖經
稱物有本末又稱修身為本而聽訟章以此謂
知本為結語蓋明示天下之本在身也

皇帝闡發

尼山之意以欽明為協和之所由以位育為中和之
所致勅幾日誌而四瀛景從豈非以

身教立準歟。至周易臨卦之大象。孔穎達疏曰。見在上
臨下之義。程子易傳亦曰。君子親臨之象。足見
教思無窮。容保無疆。惟大君能以廣被也。

皇帝復推潤澤之理。而廣其說於養賢以及萬民。夫養
賢莫重於太學。養賢之重。莫著於

天子之視學。至

天子視學。而橫經鼓篋之士。曉然知

熙朝育才。將使饜飫乎道德。蘊蓄乎經綸。以宣開濟
之猷。而錫蒼黎之福。起化之源。端在是矣。然化

之起也有源而源之發也必有自。黃祇之載博
矣厚矣。山河之脈皆起崑崙而融結者元氣也。
圓象之運廣矣大矣。陽變陰合五氣以布四時
以行而根柢者太極也。洪惟我

太上皇帝

道苞九舜

明出十堯。前聖心傳千年遙契。是不待臚頌矣。至於
聖學高深。包涵萬彙。凡姬嫫西陽之祕簡。蘭臺石渠之

逸文。四庫叢編著錄冊府者。皆

親握權衡。明示衮鉞。雖一字之闕遺。一言之疑誤。披函立見。

洞鑒纖毫。珥筆典校之臣。一經

指示。皆曠若發蒙。莫能仰測萬一也。

聖製詩五集。

聖製文三集。

奎章宏富。衣被垓垓。至今以往。與日俱增者。尚不知當

有幾萬億。上下千古之作者。無此廣大宏深也。

至於帝王之學。與儒者異。非但詞章訓詁。以無

當實用而不貴。卽性命理氣。亦不欲空語精微。
臣自通籍至今。每跼讀。

綸綍。仰見

乾符手握。綜理萬幾。提控廣輪。彌綸陬澨。神明通變。取
諸易。咨警告訓。取諸書。闕邪崇正。取諸詩。辨名
定分。取諸禮。是非賞罰。取諸春秋。凡聖門之大
經大法。師其意。不師其迹。知其經。兼知其權。用
能

執中以馭。百度咸釐。

端拱九重。

坐照萬里。無一事不協其宜。無一舉不得其當。即以太
學而論。石鼓石經。修其廢墮。創建辟雍。補其闕
遺。當復古者無不復也。三老五更之傳訛。袒而
割牲之附會。圓橋觀聽至億萬人之夸飾。雖載
在經史。亦

著論糾駁。不當泥古者未嘗泥也。此足見

聖人之政。卽

聖人之學。

聖人之學卽

聖人之教丁巳乙巳

兩蒞成均皆本諸

身者加諸民使九野八紘咸知所嚮方而已迨

授

受禮成

勤勞訓政卽以是為

皇帝教

皇帝深契乎至德要道之精實操乎全體大用之理舉

而措之。又卽以

太上皇帝之教。教天下。本本元元。源流遞行。圓橋觀聽者。仰見

皇帝之虔禮

聖庭。莫不知百家當斥。

孔氏當尊。必嚮然共趨於正學。仰聞

皇帝之闡發聖籍。莫不知道在窮經。功資用世。必嚮然共趨於實學。

大化翔洽。良有徵矣。夫方州庠序。不知其幾。而為之範

者在太學太學絃誦之士亦不知其幾而立之
鵠者在

聖君歷代帝王修是禮者雖多然同一典制文同而實
不同同一宣講詞同而理不同無起化之源故
也卽唐虞三代之令主整躬率物合如符節道
統之傳遙遙心契亦未能躬相接也惟周之文
武父子一堂然靈臺辟雍武王雖及見鎬京辟
雍文王不及觀何若

皇帝以

聖繼

聖教有由來是真化有其源源有所自雖與歷代帝王

同一修臨雍之典而

德盛禮隆負起萬古惟

今日為最矣。鱗集仰流之衆徒頌文物之明備

恩賚之便蕃。是管中窺天也。卽以為前聖之成規

太上皇帝因而舉之。

太上皇帝之上儀

皇帝崇而效之。抑亦牖中視日矣。臣文詞舛陋不足以

揄揚

盛美謹就拘墟之見。測度所及者。撰論一篇。名之曰化源。明治統也。卽以明道統也。若夫

太上皇帝體

天行健。廣運無疆。強固精明。加於曩昔。蓋克肖乎
穹昊。自克承乎

眷顧。用能

保佑申命

繇算以長得以

身教

皇帝又能

親見

皇帝之

身教天下

福以

德基灼然可驗信雅頌所祝非構虛詞從此

景福彌增

宸衷彌劬

萬萬壽稱觥之日。合四海之歡心。以祝
延洪。尤所免藻牋慶。非翰墨所能罄述矣。

詩謹序

彭元瑞

戊以茂萬物之生。卯以冒天下之道。後甲先庚
之日吉。左廟右學之禮行。

皇帝欽奉

訓言

躬虔祀事尊

先聖先師而定一。展釋奠釋菜以加隆。大戴保傳之

篇北門入學。文王世子之教。東序詔書。三綱領冠。

孔之遺。六卦爻占臨之象。道轅至善。民說无疆。理布綸音。

論激緇。案立言根於道積。歸本繫乎君難。

天善言。

天。

聖不自。

聖聞而播舌。悅以服膺。

恩廣膠序之諸生

賚徧聖賢之後裔。風聲所樹。

雨化以時。臣籍貢成均。獻裏亞聖。羣識槐街之故事。欣

觀芹沼之新儀。竊以孟曰。明倫聖方盡道際。

今日人倫之至盛。真古來聖作所未逢。以

君為

師。上承夫危微精一于

帝其

訓。下逮於臣庶士民。豐水數世之仁。燕以

翼

子。孝經二章之義。善則歸。

親。美盛同賡。創垂有緒。堯舜之書。非二典。萬古勲華文。
武之聖。合三王。一家作述。賦陳其事。頌美諸容。
篇臚三什之壤。歌韻統六同之。

奎製。蠅聲鳴蚓竅。請業或附於執經。牛鐸應圓鍾。率舞。
敢諧於依律。其詩曰。

立教尊人極。明倫在講堂。

治純彌宙合。

聖慕見羹牆。盛典因時舉。鴻規視古光。賓門越祁帝。米

康昉姚皇。釋奠釋菜制。於論於樂章。禮家如聚

訟。親見上儀章。右總敘

元日萬方會

傳心盛一堂

龍飛恭

受璽。鼇抃賀循牆。

天更九重燠。

日惟兩作光。榦枝符再禪。

創

守績

三皇虞典匪同姓竹書空舊章彼哉唐與宋惇史德何

彰

右

太和殿

傳寶

不息

天行健久標

四得堂乾元統

君

父師教守門牆調幕衡尊味求衣庭燎光

示模心臺

承

訓語皇皇。揆一同先後。朝三卽憲章。丁寧善聰聽。曾未

倦勤彰

右

躬承

訓政

元善

長春館重華

繼德堂格

天告匏壁協

聖契宮牆。震出因來福。謙尊益大光。

道師合雜紀

治瀟禪通皇億兆臣隕瀝京垓計部章

化裁對禹問

仁以得

人勲

右

聖德

天子孝恒異丕基肯構堂

承

歡鶴禁陞養正虎闌牆紀號靈臺衍錫文園府光奉卮

端冕

父前馬綵衣

皇志養無言領誠孚不見章天明而地察三載久逾彰

右

聖孝

昭仁曾

播什資善對開堂

家學能通窻書聲不隔牆七週聯藻韻四庫校藜光筆

法臨泉醴

詩函遡澗皇修來敦載道博約陋尋章義豈殊連者

訓文

訓政彰

右

聖學

類禮與望徧儀禮守高堂既以初基歲來瞻美
富牆羲娥騰壁彩

丘

澤炳蕭光裕享崇先

廟馨香景德皇春祈措珪邸亥藉籥幽章

視學鴻文舉儀偕

文闋彰

右元年以來舉行大典

天子辟雍地先師教化堂
膺圖歲初倣講學道

藩牆五帝詳遺制

三朝觀耿光著雍

臨國子週甲肇

天皇諱

訓育才詔摘銘

紀事章權興六十載兩舉

化成彰

右乾隆三年

御極

臨雍

再觀

鸞旗莅生徒夾六堂明辟和雍初考宅塗墍旣勤牆遂

詠雖難在羣依

穆穆光陪臣列所衆碩老拜

春皇兩帙

論千古七言

詩四章怪它更老說班固蔡邕謬詞彰

右乾隆五十年

群雅告成

陸雍

六齡初鼓篋

八五歲堂堂已協元年卜無慙

夫子牆春當行典祀旦迺望

清光舊學

恩師傅耆年

念

祖皇。上稽軒溯。虞旁訊亥。兼章自有辟雍。日疇如盛際。

彰。右乾隆六十年釋奠禮成

御辟雍

慈命循隆軌。如聞詩禮堂。憶隨

巡魯蹕。曾

謁背洙牆。屬屆春秋奠。仍昭牲幣光。先丁因后土。次戊

避東皇。

本年上戊日春分。社稷壇同日故用次戊兩祭連舉因

用次丁癸正年禮以時為大教因民用章酌斟
曾以仲丁致祭

彝憲合雅嫩率由彰

右

躬祀

先師

君師一人作春殿讀書堂聽者皆園水觀之若堵牆明

新至善要地澤知臨光

杼論書通易

數言極建

皇藏時登壁府

頒處耀

奎章遙括同文寓咸知

帝學彰右

臨雍講學

明德於何驗。生初虛白堂。涵元真是鏡。蔽惡有
如牆。心府靈瑩宇。天君泰定光。其惟成性哲。不
負降衷皇。太極函三義。開宗第一章。欽明克峻
德。

聖詣協

堯勳

右明明德

民豈能新者。機由九尺堂。方圓盍置水。中是景
隨牆。要識感通理。何殊内外光。小人惟偃草。多

士共思皇從乂端時憲昭明致辯章本來有同得

治洽大同彰方親民

至善明新極培基必自堂須知廟簣地莫限及
肩牆已德務丕顯民心胥近光知承諦曰帝備
天地為皇

南面修旒旌西雖

勛掖章能行此三者大學蘊全彰古止於至善

麗澤象為兌教垂講習堂有來容入並無類肯

麾牆壯學冬餘力。童蒙日出光。起予情悃款。誨
爾意方皇。弓冶箕裘喻。菁莪棫樸章。澤宮晨入
聽。

教思

大君彰

右教思无窮

無疆下報上。羔酒上公堂。始信萬年牒。惟厘五
畝牆。黔黎瘝在抱。箕畢好希光。富媪原為母。神
農得號皇。有容郊尹命。如保孟侯章。厚載廣生
象。

勤民

家法彰

右容保元種

淵源一脈接。述德肅顏堂。嚮往四言勝。尊嚴數
仞牆。生民人拔萃。師表道垂光。羲畫欽

仁祖堯文仰

憲皇真參天地極。更麗

日星章。內聖外王貫于

今奕葉彰

右

三朝宸翰匾額

金絲先有宅。飲射卽斯堂。上棟黃鋪瓦。旁翠紫

界牆中央純正色通理化含光殿閣偕宏麗

郊北

壇右並喬皇鑪煙碧一縷庭柏綠千章學記師堪喻水

成五色彰右

聖廟

詔易黃瓦

王者征無戰王師正復堂八寅歸戶聞四極衛
墉牆馘獻成斯受碑森武有光

知幾通孔繫奏凱烈軒皇辰

戊辰金川戌甲申丙

金績酌桓般賚章即看駢執醜九伐

國威彰

右武功告成四碑

魯齋遺澤古手植暇登堂街廣名槐市陰濃覆
苑牆盤根世中統擢穎歲重光時至醲

膏澤春來應發皇繁枝栞續畫嘉蔭

錫詩章樹木人兼樹栽培格物彰

右古柏重栞

昭代鼎彝式諸生車服堂稱先由問廟考古不騎
牆紋辨雷回蔚銘蟠螭匾光分封傳魯社制器
認姬皇詎以矜魚雅非惟耀采章從周

先聖志陳几寸心彰

右

頤周范銅器

越歲大淵獻重瞻新廟堂豐碑崇石礎虛榭敞

匡牆行地江河遠經天日月光開文自軒昊論
道等庭皇見志微而顯為經婉以章何言贊

孔子

孔子得彌彰

右重修

文廟碑記

疏通八窗室方直四阿堂十字橋連廡一規水
繚牆圓靈天法象肉好璧輝光豐邑民來予鵠
京烝詠皇金元明未備庠序校為章復古不泥
古嘉言

聖孔彰

右創建碑雍

周宣遺獵碣岐狩坐明堂四爾陳倉白魁然祭

酒牆韋應物蘇執徒獺祭迪潘慎楊祇螢光

文壓退之退制高皇慶皇舊新留共壽

聲振集成章

耆武右文治灤庠度竝彰右重排石鼓

務本坊南舍鴻都洛下堂羣書磨大石遺蹟付

頽牆必俟

昌期會方騰典籍光談經嗤虎觀鉸木小開皇

字勒岫嶺篆

文裁洪範章。講筵聆

御論。闡理繼彰彰。

右石經

十全藏紀績。

五代補名堂。咸誌六言璽。均

題四印牆。羣籤尊聖籍。大寶發天光。堅玉撈闌產。朱文

篆史皇。韞函香案左。鈐額石經章。祕庫橋門上。

流虹徹夜彰。

右永章經學之寶

外史掌方志。言堂必滿堂。用徵官所署。毋俾面
於牆。規約師生守。源流禮樂光。遠稽燧人氏。近

建至元皇。邳治存方策。藏圖系昉章。聲明文物

代後盛更前彰。

右纂修太學志

世公今舞象。四氏昔升堂。閣老前宣席。黌師退
負牆。

沛恩班有等。觀禮

國之光。宮幣黃封濕。朝衣朱芾皇。精鏐人一鋌。嘉燕雅

三章。最幸增條桂。秋風姓字彰。

右

思齊

辦香鄒國座。分獻獲躋堂。敬慎希觀井。恣愚免

望牆。起家鄉送貢。注籍

殿依光至矣恒欽

德唐哉疊贊

皇里詞慙固植廣樂聽

韶

章期與橫經士和聲

文治彰

右總收

詩

沈初

聖承

聖訓

道洽

誠孚鴻儀彪奕。

闡澤涵濡彝倫攸敘。

文命誕敷用熙丕績式廓元模。

祇敬

先師。

盛德相符率由成憲輯綏

帝圖萬流仰鏡百辟承趨湯湯辟雍祁祁生徒陶淑

雅化干羽詩書。

立謨定典。光夏超虞。於時仲春。惠風和美。菁莪在阿。新
萍泛沚。樂我

皇道。烝我髦士。

帝有恩言。遵奉

勅旨。乃召秩宗。乃詢柱史。乃練時日。乃攷典禮。俾聞風
者。欣焉至止。俊乂驚立。儒臣鵠峙。洋洋縉紳。偕
偕士子。瞻就

雲日。觀光槐市。惟

聖建學。恆久如

天壁園水匯圖書之淵以明以和宏規無前門設八達
堂度九筵飛檐嶽嶽清流涓涓綠槐蔚秀碧藻
相鮮精廬綺合材館雲連廣延國胄樂毓英賢
獵碣

重排石經

賜鐫

立極八坊

垂教億年

錫福

皇躬弼時仔肩

鑾輿夙駕時乘六龍
聿伐鼉鼓聿鏗華鐘
鈞陳肅衛霓旌拂空

鳳蓋參麗鸞聲玲瓏
警蹕清穆天官景從
廣衛似砥微塵扇風
煌煌扈扈翼翼雍雍

詔開橋門視周聽聰

恩眷成均

澤逮瞽宗卿雲霽萃
曉日瞳眬

皇帝莅焉禮行

丹殿蘋蘩以湘。黍稷式薦。周範燦登。器古非膺。

頒自祕府。光函敦龐。簫管迭奏。盡美盡善。一字一音。訂

訛作憲。秩秩左右。濟濟俊彥。侑羽容覿。虞業彩

絢。奉璋執爵。兩廡分獻。几筵致虔。典型如見。

夫子之牆。入聖之門。

展謁眸容。佩德履仁。體符

素載。

知啟見聞。

鏡宙納軌。

調幕運鈞欽惟

聖學萬景陶甄

受寶之歲籙豆肅親載修

祀典禮意彌敦

心源契合

盛儀是循爰

幸上庠載

觀東序崔巍棟宇綿五堂廡

膚功

十全勒石紀

武

慶榜八開題名列樹經訓麗日

宸翰炳炬道德淵藪文藝林府放彌藏密周規折矩惟

太上皇化成六字

皇帝適承丕揚

鴻緒

聖覽周備

講座穆皇覺彼後覺大義聿張理挾其奧

教率厥常

皇極是錫

嘉言孔彰。綜括體要。性道文章。旁搜遠紹。入室升堂。大學至善。明新絜綱。義經教思。容保元疆。

閔論崇議。卑漢薄唐。郁郁巍巍。

數乃大訓。鴻儒鉅彥。快覩園聽。

躬踐聖域。手握軒鏡。開聾發聵。金聲玉振。環林揚芬。圓

海增潤。需雲布

慈承筐繼進。三舍聿升。裔姓有慶。賢書特擴。

國子監志

卷七十七

應制進呈

三

恩渥靡竟協氣旁流祓濯忻詠書圃翱翔禮園游泳棧

樸化茂芹藻芳映凡諸衿佩服膺儒行沐浴

膏澤同愛合敬臣蒙

寵遇日侍

禁廷仰惟

聖哲文炳寰瀛

重華協

帝庶績既凝

尊

親孝養。恪恭稟承。欽法。

素王禮容樂聲。無思不服。盛軼鎬京。日媚月寤。藹藹
蒸蒸。籥槃知陋。蠡管抒誠。思繼二典。勒為一經。
億萬斯年。敬頌治平。

學典

謹序

周興岱

皇帝嗣統之三年。德電道淳。淵耀闡繹。北燠南煬。人文
蔚起。

九重秉

尊養之訓。四海達

釀懿之歆於凡

國家大典大禮如禮祀

天

地醴格

太廟敬禮

社稷

日月

躬耕藉田以及

經筵敷講上塞

巡行文武經緯之具。蔑不以次迭舉。本

帝心之宥密。成郅治於篤恭。猶以

作聖有基。莫大於

視學。化民有道。莫先於

彝訓。崇儒重學之規。虞夏商周以來。未有不兢兢致慎

者。爰以仲春之月。日維丁未。敬奉

太上皇帝勅旨。昕夕齋戒。太常備法駕

釋菜於

至聖先師孔子。遂

國子監志

卷七下

典制四

三

躬臨辟雍

講大學聖經首節及周易臨卦之大象自王公卿尹聖
賢胄裔以及紳士庶民莫不祇敬拜跪園橋門
而觀聽皇皇乎大典也禮儀既成雅頌斯作臣
備員春官詳繹禮意竊以帝王之所以繼天立
極者惟學為最重臣子之所以紀載功德者惟
學為最尊尚書自說命始言學然欽明文思直
溫寬柔無非學也其策則惟堯舜之書尊之曰
典以其為萬古所同尊也是以孔安國書傳云

典者百代常行之道。孔穎達疏云。堯舜之德於常行之內。道最為優。故名曰典。爾雅釋典為經。說文以典為陳帝德之書。廣韻訓典為法義。皆從同。臣幸陪。

法駕管窺蠡測。作文一篇。名曰學典。敬以揚盛美於萬一云。

蓋惟

皇穹布化。二儀幹運。春佑

大聖。錫之典常。

作君以覆冒萬方卽

作師以陶淑庶類

人君之所為斟酌化原恭己淵穆者天德也睿哲之聖
必由學以達之所為彌綸當世模範閎業者王
道也光被之治必由學以充之制作之隆典章
之備實大則聲宏道高則典著伊古以來未有
如我

聖朝之盛者也洪惟我

太上皇帝睿聖天縱聰明日躋法

吳緯之健行躋瀛寰於仁壽既已備

十全之偉績膺五福之禎符爰於久道化成之日運神明之矩垂久大之規

命於國學建立辟雍司事者未知規制之所宜則披圖

考古親運

聖裁以指示其範模艮維地高無水可引則

命濬井汲泉澄泓演蓄以上符於古制旃蒙大芒駱之歲辟雍告成矩矱嚴肅實千有餘年未舉之創典乃

親祀事於

聖殿備禮和樂精意識格乃

臨辟雍

講仁敬孝慈信之章及乾行不息之象振噴發蒙萬國
聽覩典之大也如是嗣是

親排石鼓字為十章重摹精刻列於門廡

命校正蔣衡所書十三經勒之貞珉冠以

御製說經大文皆經典所未備先儒所未發之聞與日

曜星明昭示萬世誠包軒軼矯超越殷周之盛

典也。

皇帝撫鼎運炳離明躬承

太上皇帝審訓敬迓

上天庥祉虔惟

大聖人斂福念徵自強不息惟日孜孜之闕旨奉為法

範精心劼毖紹繹無間一如惟精惟一允執厥中之訓重華之上契乎放勳也爰遵

上聖視學之成憲萬世所當常行者稟

敕訓而敬行之於昭旰蠶神斯格也玉帛笙簧儀斯飭

也萬官陪位循舊則也章縫踊躍并

至德也萬邦從風遵

皇極也

景福鴻臚時萬億也敬仰聆夫

聖訓於明明德見道之大原協於

天於新民見物之恆性綏於

帝於止至善見萬世無斁之規必衷於

君德至若教思無窮之解何殊於六府三事之勸歌容

保無疆之道何殊乎於變時雍之格被誠所謂

集千古聖學之大成。觀會通行典禮。而南北東西。無思不服者矣。以視昔者。米廩。瞽宗。成均。虞庠之制。司徒。樂正之官。春秋禮樂。冬夏詩書之教。以及學記。入學。釋菜。文王世子。始立學。釋菜之文。且如靈臺辟雍。言文王之學。有聲辟雍。言武王之學。王制辟雍。泛言天子視學之禮。所謂道德以是而積。儀則以是而墮者。曾何足與。

今日絜盛也哉。而兩漢之三雍宮。唐宋之廣學生弟子員。建立未精。禮意靡達。益不庸同日而語矣。於

國子監志

卷七十七

應制進士

重

是王公大臣虎闥貴胄敬起而獻頌曰於繇

帝德緝熙重光孜孜學問日進无疆祇承

訓政巍煥惟章闡敷

至教覃及萬方於是文武百僚恪恭將事敬起而獻頌

曰三光朗朗萬邦循職廣運無垠維

皇建極又用三德平康正直於昭學宮雲縵五色於是

聖賢後裔橫經嗣訓敬起而獻頌曰

道德穆穆

雍宮閑閑

九重至聖。辰旗莅焉。俎豆簠簋。

教思閔宣。

思榮廣被。萬禩億年。於是俊乂。譽髦詠歌。舞蹈敬起。而

獻頌曰。東有箭兮。南獻琛。槐之市兮。鬱成陰。我

皇布德兮。萬國謐。

辟雍海流兮。

六飛臨。煥絲綸兮。沛德音。荷

陶鑄兮。洽黎黔。於是環海芸生。含和飽德。敬起而獻頌

曰。

皇化所孚。海隅出日。崇文講藝。維民之則。

天生萬民。彝性懿德。我

皇道之。勞來輔翼。允蹈斯文。惟

皇之極。於是朝貢侍子。梯山航海。敬起而獻頌。曰東風

從律。海波不揚。重譯以至。近

天子光赫。奕軌度。周膠虞庠。景慶協魯。麟鳳致祥。合天

大圓。

聖謨洋洋。由斯觀之。百度貞於上。羣心孚於下。然則

聖

聖相承以典學而垂為學典。昔儒所謂百代常行之道。為經為法。孰有大於茲誼者乎。庸詎周官所載治典事典。可為倫比。書曰慎徽五典。五典克從。蓋洵乎其克從也。又曰天敘有典。五典五惇。蓋洵乎其惟惇也。

雅

謹序

平恕

臣謹案虞書九功惟敘。九敘惟歌。左氏以為九功之德。皆可歌也。謂之九歌。九功皆謂之德者。蓋本於聖神文武之德。皋陶謨又析言之。而以

四德教胄子。教胄之命合於典樂。申以詩歌。所謂勸之以九歌也。竊意勲華盛際。備有篇什。以揄揚巍煥。振德斯民。第未有雅頌之名。至周而辟雍諸詩。定為大雅。然則歌九德者。宜歌雅也。我

皇上體乾德之元。膺吳德之

命。懋修念典。日新又新。元年上丁

親祀上庠。三年春復

詔臨雍講學。於時衿篋之士。耆耄之儒。相與稱曰。古視

學之禮。什百存一二。三代而後。無足觀采。我朝尊師重道。振古莫饒。

世祖皇帝。肇造區夏。載戢干戈。首舉

臨雍禮。以示敷洽。

聖祖

世宗。告功勒成。垂耀萬古。牲幣之薦。史不絕書。加隆三

獻。晉爵

五王。改平立不跪之儀。定稱幸為詣之制。

太上皇帝。詔崇黃瓦。鼎飾廟堂。釐正榜額。頒周範彝器。

勒石經十有三太學承德府學皆刻新石鼓十
創建辟雍

翠華臨講規制大備茂矣美矣

皇上繼天出震紹統君師操之為至德要道而發之為
盛德大業在氓庶聽觀之中者循厥大端可略
而陳焉克明峻德斷自堯典允執遞咨演為心
法虞受終於唐而非繼體夏與賢於子而非倦
勤上溯碧盧下汜懷斗雖迭辟繼道而盛事莫
徵

皇上協德重華迪

天格保

軒皇之紀周甲

堯父之命重申丙辰正月上日

授受禮成傳精一為燕翼繼文思為作述天下莫不疎
身戴聽以承德意軒舞鼙鼓極於青北九陽荒
邈之所際此宜歌者一也古國學養老為其近
親乞言憲典所以教孝夫尊親之至莫大乎以
天下養

皇上承

歡導豫視無形而聽無聲當始

命踐阼之初擴誠上懇

籲屈

百齡而後舉典

聖志既定

穹聽既孚遂勉奉丕基勤思肯構養

志之大也率作省成兢兢業業善述之明也叟筵重舉

宴國老庶老八千人振

輦行慶。雲布雨沛。錫類之仁也。

大德受命。敬敬教愛。奉

曼壽於億萬斯年。廣

孝治於垓垠四極。而適饌省醴。執爵袒割之彌文。擯而

弗取。此宜歌者二也。

太上皇帝。與天合德。剛健粹精。顧謨寅承。六十餘年。如

一也。

皇上欽崇昭事。昧爽丕顯。春而

祈穀。夏而

零雨冬則大報奉若對越有嚴有恪至若禋宗望秩皆誠敬之推格契昭明之有融

天佑一德全付所覆無思不服此宜歌者三也詩靈臺言民始附繼文以下武繼伐以有聲皆以繩武通追為立學教民之本

皇上虔奉

詒燕祗承

世德

寶錄大訓日切紹聞率典迪光本諸

家法故能受萬年之祐。來四方之賀。此宜歌者四也。
太上皇帝宵旰勵躬。乾惕勵心。海隅出日。丕單稱德。
皇上懋昭建中。握幾表矩。疊疊穆穆。為綱為紀。日奉
訓於

膝前。而措諸四海。流行速於置郵。廣運格於上下。此宜
歌者五也。

太上皇帝敷大德於天下。普免天下正賦者五。普免天
下漕糧者三。普免天下積欠者一。其餘蠲賑貸
予。動以億千萬萬計。雨暘應乎。

念用豐綏極於邊屯

皇上猶視之如傷保之如赤

蹕路所經輒有賜復偏隅偶歎

恩命疊宣至若軫輓運之微勞念偕作之纖效普加除

豁兼及來年若司祿益食司金益富民用大和

徧為爾德此宜歌者六也古者執訊獻醜必告

於學

太上皇帝邁湯征之十一軼夏服之五千拓疆海西洗

兵天外大凱迭奏通譯數萬

天章勒銘。豐珉林立。餘若土爾扈特。安南。緬甸。廓爾喀。之歸降。噶咭喇。荷蘭之朝貢。番回逆黨之殲滅。咸弗肯侈大其事。且堯舜之禪也。內有竊竊鑿。齒大風。九嬰之屬。以為民害。外則苗民逆命。頑弗即工。陳師舞羽。僅乃勝之。嘉慶初元。有苗弗率。越載而擒渠。擣穴。迅即歲功。武有七德。保大安民。此宜歌者七也。政教所始。肇自秦皇。堯立四學。煥乎文章。舜作米廩。上庠下庠。夏校殷序。三雍以興。文王都豐。有靈臺辟雍。武王都鎬。有

國朝典冊
卷之十一
禮制選冊
三
鎬京辟雍皆以敦化善俗振民育德

皇上備

垂裕之

成憲光復旦於

重明紹天闡繹單心緝熙千聖合符萬流仰鏡猶且

躬蒞澤宮橫經講貫發聖學之綱領體咸臨之貞吉用

以新民德而廣教思止善故德盛有容故德大

此宜歌者八也

太上皇帝壽考作人化成久道開制科舉經學春秋登

俊四十餘科。熱河安西皆立學校。川無淪玉。野無伐檀。

皇上肇登大寶。首開恩榜。增鄉會試中額。及弟子員。興廉孝之舉。廣選造之途。苗民之秀者。尚欣欣思泮水之樂。守吏既為之上請矣。翩彼飛鵲。懷我好音。視期門羽林。咸受經業者。廣隘何如。化成之盛。實基諸此。且所謂至德敏德。孝德以教天下者。莫不夙夜劬勞。以躬先之。是以天下是訓是行。近

天子之光洵可以通德神明同龢天地此宜歌者九也
昔葛天氏之樂也八士操柝而歌八章一曰載
民二曰元鳥三曰遂物四曰奮穀五曰敬天常
六曰達帝功七曰依地德八曰臨萬物之極蓋
各為題目以歌詠馨烈少昊氏之九淵高辛氏
之九招始以九紀虞氏因之蕭韶九成九成者
言九德也九成之樂辭曰舟張辟雍鶴鶴相從
八風回回鳳凰喈喈樂成而朱鳳至也然則有
虞氏已稱辟雍授受之代厥典綦重夫有榮懷

之慶者必有恢蕩之音。有時雍之理者必有蘇
平之奏。然後豐功駿德炳耀穹壤。臣幸覩
盛儀。抃舞詠蹈。不能自己。謹擬九成之辭。以歌

天子之九德。一曰

授受。二曰

尊養。三曰昭事。四曰紹衣。五曰勅

天命。六曰固邦本。七曰告武成。八曰揆文敘九曰成萬

物之化。仿萬天氏之歌之意。而諧諸雅。拜手稽
首獻焉。其辭曰。

國二
卷一
園流

辟雍創自

聖皇紹媯之隆廓姬之疆萬福億祉願符

上蒼治周攝提以

授元良我

皇受之

舜子

堯父牖我下民斯匡斯輔匡之維何陳彼紀綱輔之伊

何敘彼五常有媯之興雍歌成章惟

皇緝熙作人用光 一章

亶聰惟

皇協于文思止敬止孝作

君作

師以天下

養罄無不宜以天下

尊如天巍巍陋儒泥古更老異說

聖聞其謬禮本昭揭至德要道曰以孝治凡爾庶士毋

忘陟詩凡厥庶民純其藝中蓄大昕鼓徵申警

爾斯二章

明明在上。牖民孔易。

天監在下。小心昭事。何以事之。惟誠不貳。惟敬作所。惟中和是致。

聖有先覺。先覺覺民。圓橋觀聽。各懋日新。

天錫

皇帝聰明睿知。典學尊師。盛禮咸備。禮備學成。於論在肄。於樂

辟雍代

天劄三章

猗與我

朝道隆

先聖

五王追爵三獻著令肅肅拜跪黃屋輦映周范敦彝
宮懸笙磬

詔稱

躬詣冊不絕書集鼓勒經為多士模惟
後先合揆克紹厥盛伊昔初元

親祀昭敬祖述憲章敷我文命

世德作求洽於民聽

四章

敕天之命一日二日萬幾中昃不遑食未明求衣昭哉

嗣服丕丕基祇適

彝訓以式九圖

乾德剛健高明悠久從心不踰矩

億句初九矯傳心法始著危微孔演厥旨溯堯曰咨協

于克一聲教四馳自南自北自東自西

五章

惟民生厚因物有遷既富方穀皇極之敷言正

供五兔。漕糈三蠲。賑廩復租。動逾萬億千。既富
既教。以貽。

天子瞻彼比屋。百室盈止。

皇曰保惠。曷有極焉。予宅而宅。予畋而田。沐我洪恩。報

我豐年。明我乂民。歸我蕩平。

六章

有崔者碑。載告膚公。自朔漠青海。冒丹穴太蒙。
繫金川再犁。繫西域壹戎。隴種東籠。歸我煮幪。
於赫。

聖武

詩

鐵保

延洪

壽寓熾而昌

作

述兼隆至治彰

一德傳心同一道重熙陳教煥重光懿哉茂典修

昭代偉矣宏規仰

聖皇御世綏猷先建極本身作則用頒常

聰明時憲由

右文。雲漢為章。八章

惟

受命溥將。惟

尊親行慶。惟顧諟克敬。惟通駿有聲。惟優優布厥政。惟

熙熙和厥民。德威惟畏。德明惟明。九德咸事。黎
民敏德。教思無窮。用錫爾極。上及太清。下及太
寧。惟

帝光被而天下化成。九成者韶。九招者樂。臣作九雅以
贊。蘇乎。

皇績其緒執訊連連苗頑即敘

皇帝撫謙弗肯勒功昭哉義問暢以仁風溥天率土莫

不來同來同德讓于彼西雍

七年

春風載柔春日載陽濟濟多士槐市成行

駕六提羽祗車雲翔

睿容有穆莅于宮牆獻爵含萌籥舞笙鼓既備既戒式

禮卒度迺

臨辟雍辟雍湯湯命彼師儒秩節是詳金聲玉振

聖謨洋洋猗與

天璽淬厲

宸修益自強。四庫肇興羅竹素。三江

嘉惠貯琳琅。鑑批獨具平衡妙。禮定何勞聚訟忙。
盡性真源歸宥密。

崇儒鉅製聿輝煌。賢闕首善甄多士。師保尊嚴契

素王。國學久隆文已炳。辟雍創建德彌洋。經營復古

工丕作通變

從心式俾臧。鑿井引泉來汨汨。旋邱成壁泛湯湯。流源

似海

皇流貫澤本名宮

帝澤長池簇清漪周四達

殿開穹宇麗中央詩陳鐘鼓徵諧變史記橋門漫
頡頏規矩同符參德行乾坤合撰應圓方遠追
豐鎬堪相駕近溯元明得未嘗五百年來隆闕
典八千春永燦

鴻章字排宣碣輝星斗說正秦權掃粃糠范錫古銅苔
暈碧輦飛文瓦赭凝黃珉碑

刊定憑貽楷山骨雕鵠允漱芳得所雅歌宜宴饗含和

嘉什叶宮商。笙詩補後音。胥協琴譜。編成謬必
匡。特磬在懸。希夏擊。鐸鐘撫。鑄奏鏗鏘。由來
洪業昭雲漢。自有元音召鳳凰。程式通經輪徧歲。
思加耆俊髮如霜。

特科連綴春秋榜。上室咸登禮樂場。

四得顏楹承錫美。

八徵寶篆凜加覆。

純禧五代開千葉。

泰運三元集百祥。

健協乾行恆廣運麗占離照繼

當陽

曼齡燕翼恢釀化

世哲龍飛管懿綱

付畀誕隆調玉燭

仔肩克荷握珠囊親聆

庭訓懷黎赤上溯

心源答

吳蒼首重劭農

躬耒耜更殷勸學

詣膠庠載瞻黌序彝章穆詎第

經筵理奧揚

質秉徇齊全性始

功深遜敏析微茫看山自昔須登岱觀水于今必匯滄

家法尊

師循典憲人宗盡禮覲宮牆

展誠先日勤齋祓諏吉臨期謹裸將大丙祇承儲羽衛

仲丁

興命萃冠裳。天街碧柳初舒帶。上苑倉庚乍弄吭。鯨響

晨傳

升玉輦。鸞聲曉發下

璇閭。靈鼉鼓動勾陳整。翠鳳旗飄華蓋昂。庶職鴛班
紛扈從。九達蟬冤遠相望。成賢街左青袍迓。持
敬門中絳燎揚。燭潔牲牢森鼎俎。駢羅彝器絢
琮璜。來歆有象

誠孚隱奏假無言

德薦香奉厥明禋

欽念壹肅然瞻拜

眸容莊金昭玉粹符

恭壽雲潤星輝迪吉康廣庶豆邊陳翼翼崇牙虞業騁

趨趨具寮聯事分持節髦士攸宜恪奉璋三獻

維馨通肸蠭六成間作闋苞簧既終祀典移

清蹕迺

錫敷言莅講堂大次更衣真穆穆威平奏樂又嚶嚶緇

帷質對纔如晤

黃幄崇嚴已具張

寶几迴依丹地設牙籤徐展綠綈裝運隆九五

君師統人列三千弟子行就日儒林方濟濟瞻雲岡海

正決決

訂謨闡繹霞蒸彩經義昭明斗耀芒槐市春風披縹帙

杏壇化雨潤青箱理參容保苞符洩道洽明新

妙蘊藏悉本

大猷提要領爰開來學

示梯航榮光璀璨迎

仙仗佳氣氤氲護

御牀聖裔賢孫齊拱侍羣公常伯慎趨跽試觀絳繅
巾車滿自覺歲褻劍佩瑤忻際

右文崇軌範奚煩稽古造舟梁虎闌杼藻奎垣燭鶴案
凝輝瑞霽颺殷禮告成昭大備

德音敬聽矢毋忘爾時早慶

榮施渥竣事旋覃

閔澤霧萬騎星迴爭沛父

六龍電轉畢騰駭

駕還宮闕卿雲藹

號渙絲綸湛露灑內府儲珍和法膳容臺

賜讌飫瓊漿

九重天上頻

頒帛百辟班中各舉觴宵雅肄三功以勵月要免一例

無妨成均志喜垂麟炳藝圃沾

恩徧秀良芹溢芬菲思樂泮梧添萋萃盛鳴岡成材有
造期楨幹待用交資薈桷采淳化殷流歌戩穀

丕基式固筮苞桑

皇州懿鑠休滋至

聖主淵冲讓未遑歸嫩

軒宮綿景福

纂隆虞館茂元慶

昌期果洽躋義皞故事徒沿陋漢唐

復旦光華常爛漫大昕秩節倍周詳三雍倬彼仁為宇

六幕禕而禮作坊世宙在鈞神鼓鐸

化工秉尺妙裁量豈惟摛耀文章府從此偕遊質行鄉

人識廉隅遵義路家知吟誦富書倉昭融本體

珠同握雕琢精能玉共相

孝養臚歡輝檢牒

智臨合

德輦金湯旁求俊乂收葑菲覺悟羣蒙滌莠稂緒接千
秋探美富乂兼三德剴柔剛生徒揚扆僉濡管
侍子間關佇奉筐咫尺近

天胥悅服廣輪擊壤任徜徉

小臣

忝職冰廳佐

盛典榮依

黼座旁觀禮士林增抃舞捫心寅直切慚惶
瞽宗捧案
度陪列壁沼超筵勉贊襄私慕雅音賡棧樸敢

呈末技賦長楊

化成久道超三古

光被時雍訖八荒。是訓是行倫紀飭。於論於樂太和翔。

蘿圖

鴻藻欽丕懋。葵向微忱幸滿儻。億萬斯年

文教普

緝熙純嘏頌無疆。